



Pou Piblikasyon Imedya: 12/02/2022

GOUVÈNÈ KATHY HOCHUL

GOUVÈNÈ HOCHUL ANONSE KANTITE PASAJE METWO A DEPASE 3 MILYON PWEN PANDAN TWA JOUNEN KONSEKITIF POU PREMYE FWA DEPI 17 DESANM

*Kantite pasaje pa semèn yo 55 poustan nivo anvan pandemi an
54 poustan ogmantasyon pasaje depi bès Omicron an nan dat 27 desanm 2021*

Gouvènè Kathy Hochul te anonse jodi a ke vwayaj Metwo Vil New York yo depase 3 milyon mak pandan twa jounen konsekitif semèn sa.

Dapre Otorite Trampò Metwopolitèn (Metropolitan Transportation Authority, MTA), sistèm metwo a pote 3,015,755 kliyan madi a, 3,087,731 kliyan mèkredi, ak 3,108,216 kliyan jedi. Sa make premye fwa depi metwo a te pote plis pase 3 milyon pasaje pandan twa jou dafile depi vag Omicron an te frape Vil New York nan dat 17 desanm 2021. Kantite pasaje pa semèn metwo a te atenn 55 poustan nivo anvan pandemi yo. Dènye kantite pasaje a se yon ogmantasyon 54 poustan depi li te atenn yon bès a 2,011,675 nan jounen lasemèn akoz Omicron an nan dat 27 desanm 2021. Depi lè sa, konfòmite ak mask la te amelyore a 95 poustan nan metwo epi vwayaj yo te retounen ogmante.

"Kantite trajè transpò publik solid la se yon lòt siyal ankò ke retou New York la ap ranfòse," **Gouvènè Hochul te deklare.** "Metwo a se nanm vil la, k ap sèvi plizyè milyon pasaje pa jou epi ki kenbe New York ap bouje pandan ekonomi an ap rebondi soti nan pandemi an. Enfrastrikti transpò ki solid epi dinamik se kle pou rekiperasyon nou, epi n ap travay di pou kenbe pwogrè nou pou retounen nan nivo anvan pandemi yo."

Pou ankouraje plis pasaje, MTA a te anonse yon seri nouveau pwogram tarif pilòt ki rann tarif yo pi abòdab, pi fleksib, epi pi jis, ki enkli yon limit sou tarif pa semèn yo atravè sistèm pèman san kontak Otorite a, OMNY, ak fonksyon "Lucky 13" la. Apati 13yèm trajè a chak semèn, chak trajè siplemantè sou metwo oswa bis yo gratis pou rès semèn sa.

Prezidan ak Direktè Egzekitif Jeneral MTA, Janno Lieber, te deklare, "Nou retounen soti nan vag Omicron an pandan Nouyòkè yo pare pou deplase sou metwo a pou ale nan destinasyon yo. Nouyòkè yo ap soti nan Omicron an, y ap retounen nan

transpò an komen, epi kounye a yo pral pwofite de avantaj kèk nouvo pwomosyon tarif ki vrèman atraktif."

Tprezidan pa Enterim Transpò an Komen Vil New York Ia, Craig Cipriano, te deklare "Transpò Vil New York te la pou deplase moun yo atravè vil la pou mennen kliyan nou yo nan chak kwen nan senk awondisman yo. Nouyòkè yo k ap retounen nan sistèm nan ka fè fanm ak gason MTA k ap travay di yo pou kontinye la pou mennen yo travay, lekòl, oswa nenpòt kote yo bezwen ale."

Chèf Kliyan MTA a, Sarah Meyer te deklare, "Se yon moman ki pasyonan nan New York akoz sistòm transpò piblik la ap montre siy fòs ki renouvre ak kantite pasaje k ap ogmante sa yo. Nou angaje pou kontinye amelyore sèvis la ak pèfòmans alè, pandan n ap ankouraje pasaje yo pou mete telefòn yo sou ekout oswa kat pèman yo pou yon vwayaj san pwoblèm pou ale nan destinasyon yo."

PDG ak Direktè Egzekitif Patenarya pou Vil New York (Partnership for New York City) Kathryn Wylde, te deklare, "Kantite pasaje a reflete pwogrè reyèl pou fè moun yo retounen nan biwo apre de ane long travay adistans pandemi an te lakoz. Mwa pwochen an ap make yon pwen tounan pou MTA a ak kòmansman redemaraj vil nou an."

MTA te adopte pwotokòl netwayaj ak sanitasyon san parèy nan ane a depi lè pandemi an te kòmanse an 2020 an pou asire ke sistèm lan gen plis sekirite ke posib pou kliyan li yo. Otorite a te lanse tou kanpay edikasyon piblik epi te pibliye plizyè milyon mask bay kliyan li yo.

Anvan pandemi a, total deplasman nan jou lasemèn mwayen te depase 5.5 milyon nan sistèm metwo a pa woutin. Chif sa a te bese a 95 poustan a apeprè 300,000 vwayaj pa jou nan mwa avril 2020 pa akoz kantite ka COVID-19 te rive nan pik li nan zòn Vil New York. Anplwaye MTA yo te kontinye bay sèvis pou pwofesyonèl swen sante premye liy ak lòt travayè esansyèl ki te bezwen ale travay pandan kèk nan jounen ki te pi difisil nan listwa Vil New York.

###